



Kia pai tō haere

Tirohanga whānui

Kaupapa

Kei te katoa te kawenga kia noho haumarū* te whānau i runga i tētahi haerenga.

*Haumarū -ā-wairua, ā-tinana, ā-hinengaro hoki.

Horopaki

Kei roto katoa tātau i te pūnaha ikiiki. Hāereere ai tō tātau iwi ki ngā wāhi katoa, mā runga i ngā momo ikiiki katoa. I te nuinga o te wā he haere ā-whānui ēnei i ngā wā e tino haere ai te tangata, nō reira koinei te take me mārama tātau ki tō tātau ake tūranga i roto i te pūnaha ikiiki whānui.

Wāhanga

Te Aho Matua:

Te Ira Tangata 1.6, 1.7

Āhuatanga Ako 5.5, 5.10

Te Tino Uaratanga 6.2, 6.8, 6.9

Ngā wiki

Ngā Uaratanga

Tino Rangatiratanga

Hiranga

Aroha

Māia

Whakaute

Kaitiakitanga

Taumata 1-4

Ngā Pātai Matua

Ngā tikanga haere haumarū / mahinga - he mea nui?

tērā rānei

He taonga nui te tupato - he aha ai?

tērā rānei

Ngā mahinga haere haumarū - ka pēhea ngā whakaaro o Māui?

Ētahi pātai

1. Tautuhia ngā mahinga haerenga/ tāpoi (ina haere atu, hoki mai rānei i tētahi huihuinga) - (He aha te haerenga haumarū? He aha te tāpoi haumarū?) Mahinga Hangangamaha

2. Whakamāramahia mai ka pēhea, me te take hoki kei a tātau katoa te kawenga mō te haere haumarū/ me pēhea te tiaki i tō tātau iwi kia haumarū i tētahi haerenga i roto i te pūnaha ikiiki whānui. (Me pēhea te whakarite kei te haumarū tō tātau iwi i runga i tētahi haerenga?) Mahinga Pānga

3. Waihangahia he mahi (he rauemi rānei) kia noho haumarū tō tātau iwi i runga i tētahi haerenga i roto i te pūnaha ikiiki whānui. Mahinga Tangohanga Roa Ake

Te Ao Māori

Te tūāpapa

He wāhanga nui te haerenga i roto i te ao o tō tātau tīpuna. Tīmata ana i te Hekenga Nui me tō rātau taenga mai ki Aotearoa tae noa ki ngā mahi tauhokohoko o ia rā me ētahi atu iwi.

Te kaupapa o te karakia i roto i ngā mahi haerenga haumarū: ko te haumarū o te katoa i ngā haerenga - ā-wairua, ā-tinana, ā-hinengaro hoki.

Ki te Māori he rite anō te hira o te haumarū ā-wairua ki te haumarū ā-tinana. Nō reira he mea nui te karakia i roto i ā rātau mahi katoa. He tohu i te tīmatanga o ia haerenga ahakoa te āhua me te inoi hoki kia tae pai katoa ngā tāngata ki te wāhi e haere ana rātau.

Kei ia rohe, iwi, kura āna anō karakia mō ngā āhuatanga haerenga e tika ana.

- Tukuna te pātai, he aha ngā momo tikanga ka whakamahia hei whakarite i a tātau mō tētahi haerenga? Whakaemihia ka whakamahi ki te hopu i ngā mōhiotanga o ngā ākonga mō ngā mahi haerenga haumarū. Tāpiri kōrero haere i roto i te roanga ake o te wāhanga akoranga. (Hangangatahi, hangangamaha)
- Hōparahia ngā momo karakia rerekē - ngā āhuatanga rerekē, rohe rerekē, iwi rerekē.
- Tautuhia ngā momo kupu rerekē, kīwaha, kīanga me ngā āhuatanga reo ka whakamahia. (Hangangamaha)
- Whakaahuahia ngā momo kupu rerekē, kīwaha, kīanga me ngā āhuatanga reo ka whakamahia (Hangangamaha) Whakamahia he Mapi Whakaahua HOT SOLO me tētahi rōpūtanga aromatawai whaiaro hei āwhina i a koe ki te tuhi i tō whakaaro mō te kōrero me te tuhituhi.
- Whakamāramahia te whakamahitanga/kaupapa o ia karakia: Ko wai? He aha? Ki hea? He aha ai? Me pēhea? (Pānga) Whakamahia he Mapi pūtaka HOT SOLO me te rōpūtanga aromatawai whaiaro hei āwhina i a koe ki te tuhi whakaaro mō te kōrero me te tuhituhi.

- Whakaahuahia ngā tikanga o te karakia i ngā rā o mua. (Hangangamaha) Whakamahia he Mapi pūtake HOT SOLO me te rōpūtanga aromatawai whaiaro hei āwhina i a koe ki te tuhi whakaaro mō te kōrero me te tuhituhi.
- Whakaahuahia te tikanga o te tikanga i ēnei rā. (Hangangamaha). Whakamahia he Mapi pūtake HOT SOLO me te rōpūtanga aromatawai whaiaro hei āwhina i a koe ki te tuhi whakaaro mō te kōrero me te tuhituhi.
- Whakatauritehia te [whakamahinga o te karakia, ngā momo karakia, ngā āhuatanga reo o te karakia hoki/rānei] mai i ngā rā o mua tae mai ki ēnei rā. (Pānga) Hei tauira, i te tuatahi me tīpako he wāhanga o te karakia ka whakataurite. Hei tauira, whakatauritehia ngā ōritetanga me ngā rerekētanga i waenga i tētahi aronga reo pēnei i te kīwaha, āhuatanga reo rānei ka whakamahia puta noa i te rohe, iwi hoki. Ka whakamahi i tētahi mapi whakataurite HOT SOLO me te rōpūtanga aromatawai whaiaro hei āwhina i a koe ki te tuhi i ō whakaaro mō te kōrero me te tuhituhi - tautuhi, whakaahua, me te whakamārama i ngā rerekētanga i waenga i ngā rā o mua me ēnei rā - hei tauira, ngā rerekētanga whakamahi, momo āhuatanga reo rānei o ngā karakia. Whakatauhia he kōrero whānui mō ngā rerekētanga. Hei tauira, ki ōku whakaaro [tukuna he kōrero mō te whakamahinga, te momo, āhuatanga] i te mea [whakamāramahia te take] i te mea [whakaurua ō taunakitanga].
- Hōparahia ngā tauira rerekē o te haerenga haumaruru me te pūmate.
- Tautuhia ngā pūmate haerenga rerekē. (Hangangatahi)
- Whakaahuahia ngā momo pūmate haerenga rerekē. (Hangangamaha) Whakamahia he Mapi Whakaahua HOT SOLO me te rōpūtanga aromatawai whaiaro hei āwhina i a koe ki te tuhi whakaaro mō te kōrero me te tuhituhi.
- Whakamāramahia ngā pūtake o ngā pūmate haerenga. (Pānga) Whakamahia he Mapi pūtake HOT SOLO me te rōpūtanga aromatawai whaiaro hei āwhina i a koe ki te tuhi whakaaro mō te kōrero me te tuhituhi.
- Whakaahuahia te tikanga, mahinga rānei o te karakia i te tīmatanga me te whakaotinga o tētahi haerenga i ngā rā o mua. (Hangangamaha). Whakamahia he Mapi pūtake HOT SOLO me te rōpūtanga aromatawai whaiaro hei āwhina i a koe ki te tuhi whakaaro mō te kōrero me te tuhituhi.
- Whakaahuahia ngā tikanga o te karakia i te tīmatanga me te whakaotinga o tētahi haerenga i ēnei rā. (Hangangamaha). Whakamahia he Mapi pūtake HOT SOLO me te rōpūtanga aromatawai whaiaro hei āwhina i a koe ki te tuhi whakaaro mō te kōrero me te tuhituhi.
- Whakatauritehia ngā tikanga o te karakia i te tīmatanga me te whakaotinga o tētahi haerenga i ēnei rā. (Pānga) Titiro ki runga.
- Aromātaihia te pānga o ngā [rerekētanga whakamahinga karakia/ rerekētanga o ngā momo karakia/ rerekētanga o ngā āhuatanga reo o te karakia] ki te kaupapa me te whakamahinga o te karakia i ngā whakaritenga, tīmatanga hoki o te haerenga haumaruru. (Tangohanga Roa Ake) Whakamahia he Mapi Aromātai HOT SOLO me te rōpūtanga aromatawai whaiaro hei āwhina i a koe ki te tuhi whakaaro mō te kōrero me te tuhituhi.
- Tuhia/ Waihanga tētahi karakia mō te haerenga haumaruru mā te whakamahi āhuatanga reo, huinga reo hoki i tautuhia mō ngā kaimātakitaki whāiti, hei tauira, ngā rangatahi e haere ana i roto i te pūnaha iiki whānui. (Tangohanga Roa Ake)

Mōteatea

He waka whai kiko mō te ako i roto i ngā kura maha. Ahakoa he waiata, pātere anake rānei ki ētahi, he kete kōrero whānui ēnei o ngā mōhiotanga, hītori, reo me te ako mō ā tātau tamariki i ēnei rā.

- Kōwhirihi he mōteatea mai i tō iwi e aro ana ki tētahi haerenga i haerehia e ō tātau tīpuna. Tautuhia ngā momo kupu rerekē, kīwaha, kīanga me ngā āhuatanga reo ka whakamahia. Tautuhia ngā kupu hou, kōrero rānei mō ngā tuhinga a ngā ākonga ā muri ake, hei puna kupu rānei mō te pakitara i tō akomanga.
- Tautuhia te haerenga i haerehia.
- Whakaahuahia ngā whakamātautau me ngā poautinitini tērā pea i puta (Hangangatahi, hangangamaha). Whakamahia he mapi Whakaahua HOT SOLO me te rōpūtanga aromatawai whaiaro hei āwhina tuhi whakaaro mō te kōrero me te tuhituhi.

- Whakamārahia ngā pūtake mō ngā whakamātautau me ngā poautinitini i whakaahuahia e koe. (Pānga) Whakamahia he mapi Whakamārama pūtake HookED SOLO me te rōpūtanga aromatawai whaiaro hei tuhi whakaaro mō te kōrero me te tuhituhi.
- Whakatauhia he kōrero whānui mō te kaupare i ēnei. (Tangohanga Roa Ake) Whakamahia he Mapi Whakatau Kōrero Whānui HOT SOLO hei tuhi i ō whakaaro mō te kōrero me te tuhituhi.
- Tuhia te kōrero ki tētahi mapi.
- Whakaahuahia ngā tauira. (Hangangamaha)
- Whakamāramahia mai he aha ngā kōrero o ā tātau mōteatea, mapi hoki mō ō tātau tīpuna, ā, pēhea te whakatau, me te take hoki i kīia ai he wāhi whakahirahira ki a rātau i roto i ngā wā rerekē. (Pānga)
- Hōparatia me te tautuhi i ngā momo ikiiki.
- Whakahuahia te/ngā momo ikiiki i whakamahia i ngā rā o mua. (Hangangamaha)
- Whakaahuahia te/ngā momo ikiiki i whakamahia i ngā rā o mua. (Hangangamaha)
- Whakatauritehia ngā momo ikiiki i whakamahia i ngā rā o mua ki ngā momo ikiiki e whakamahia ana i ēnei rā. (Pānga)
- Whakatauhia he kōrero whānui mō ngā rerekētanga i waenga i ngā momo ikiiki i whakamahia i ngā rā o mua ki ngā ērā e whakamahia i ēnei rā. (Tangohanga Roa Ake)
- Matapakihia ā rātau whakaritenga kia noho haumaruru ai rātau. He aha ngā rerekētanga ka pā ki a tātau hei whakaoti i taua haerenga anō? He aha ngā whakaritenga haumaruru me mōhio tātau/whakaū e tātau ā-tangata/ ā-whānau/ ā-hapū, ā-iwi hoki i ēnei rā kia haumaruru ai tēnei haerenga? (Tangohanga Roa Ake)
- Matapaehia he aha ngā momo ikiiki ka whakamahia mō ēnei haerenga ā ngā rā e tū mai. Tukuna ētahi whakaaro pai, kino hoki me ngā āhuatanga rerekē. (Tangohanga Roa Ake) Whakamahia he Tūtohi PMI

Te Ao Hurihuri

He maha ngā hui nui 'Māori' ka tū ia tau e haere atu ai te tini me te mano o te iwi Māori mai i ngā tōpito o te motu ki ngā momo whakanui, whakataetae rānei:

- Matatini
- Ngā Manu Kōrero: ā-rohe, ā-motu
- Te Koroneihana – Waikato
- Te Hui Ahurei a Tūhoe
- Ngā whakataetae ā-rohe

I te nuinga o te wā ka tū ēnei huihui i ngā wā toritori o te tau e tino haerehia ngā huarahi e te tangata, ā, e mōhio ana ngā whānau he mea nui kia mōhio te katoa ki ngā tikanga pai me te haumaruru ina hāereere haere.

Puna kupu – kupu hou – word bank	Ki waha - sayings	Timatanga rerenga – sentence beginnings	Nga kianga - expressions	Whakatauki
Haumarū, whakawheturangi, tawhai, mahere, tohutohu, kaieke, whakariterite, morearea, tohu, ngenge, huhe, tikanga, ture	I muri mai o tera Pena ka Heoi ano Tera pea, he take ke noa atu Patua kia mate No na tata tonu nei ...	Katahi No reira Waihoki..... Mehemea Ahakoa Otira	Ki oku whakaaro Katahi ano ka E kore e taea e Ma kona tatou e Kaore ano kia... Kia hoki nga mahara ...	Ki te kahore he whakakitenga ka ngaro te iwi He taonga nui te tupato Whao te kete matauranga Te toia, te haumatia

Ngā tikanga haere haumarū / mahinga - he mea nui? tērā rānei, He taonga nui te tupato - he aha ai? tērā rānei, Ngā mahinga haere haumarū - ka pēhea ngā whakaaro o Māui?

Whāinga akoranga: E mārama ana/he whakaaro kaikini/aromātai i te hiranga o ngā tikanga haerenga haumarū.

Ngā koronga akoranga e taea ana

LI: Tautuhia ngā tikanga haerenga haumarū / tikanga haumarū. [Hangangatahi]

LI: Tautohia ngā tikanga haerenga haumarū / tikanga haumarū. [Hangangatahi]

LI: Whakaingoatia he tikanga haerenga haumarū / tikanga haumarū. [Hangangatahi]

LI: Kōrerohia mai te whakamahinga o tētahi tikanga haerenga haumarū / tikanga haumarū. [Hangangatahi]

LI: Whakaahuahia he tikanga haerenga haumarū / tikanga haumarū. [Hangangamaha]

LI: Whakarārangitia ngā tikanga haerenga haumarū / tikanga haumarū. [Hangangamaha]

LI: Whai haeretia ngā tikanga mō ngā tikanga haerenga haumarū / tikanga haumarū. [Hangangamaha]

LI: Whakaraupapahia ngā upane o tētahi tikanga haerenga haumarū / tikanga haumarū. [Pānga]

LI: Whakarōpūtia ngā tikanga haerenga haumarū / tikanga haumarū. [Hangangamaha]

LI: Whakatauritehia ngā tikanga haerenga haumarū / tikanga haumarū. [Hangangamaha]

LI: Whakamāramahia ngā pūtake mō tētahi tikanga haerenga haumarū / tikanga haumarū. [Pānga]

LI: Whakamāramahia ngā pānga o te whai i tētahi tikanga haerenga haumarū / tikanga haumarū. [Pānga]

LI: Waihangahia he kupu whakarite, whakataukī rānei mō tētahi tikanga haerenga haumarū / tikanga haumarū. [Pānga]

LI: Uuihia te whānau mō te whakamahi i ngā tikanga haerenga haumarū / tikanga haumarū. [Pānga]

LI: Whakahāngaihia ngā tikanga haerenga haumarū / tikanga haumarū i roto i ō mahi o ia rā. [Pānga]

LI: Titoa he mōteatea mō ngā tikanga haerenga haumarū / tikanga haumarū. [Tangohanga Roa Ake]

LI: Waihangahia he tikanga haerenga haumarū / tikanga haumarū. [Tangohanga Roa Ake]

LI: Aromātaihia te hira o tētahi tikanga haerenga haumarū / tikanga haumarū. [Tangohanga Roa Ake]

Nga marau – ngā wāhanga akoranga matua mō te whakakotahitanga

Tīpakohia ngā wāhanga akoranga i kōwhirihiā mō te whakakotahitanga.

Te Reo Māori: Tā: Tuhituhi tohutohu

Pangarau: Āhuatanga: tūnga me te whakaangatanga - ahunga me ngā taunga

Pūtaiao: Ō Ahupūngao - Te Ao Kikokiko: Ngā Puna Tūrama: He pēhea te tūrama e whakaata ai, e hakoko ai.....kia kitea kia haumarū.....ngā puna tūrama

Hangarau: Ngā tikanga hangarau: Waihangahia me te whakamahere i ngā pūrere haumarū mō te whānau: ngā kākahu pūaho.

Tikanga ā-lwi: He pēhea, he aha te take hoki e hira ai ngā wāhi ki te tangata

Ngā Toi: Te Mahi ā-Rēhia: Kanikani me te Whakaari

Hauora: Waiora: Hauora me te Whanaketanga Whaiaro (haumarū)

Ngā rōpūtanga aromatawai whaiaro mō ngā pātai matua

Tautohua te haerenga haumarū - (He aha te haerenga haumarū?) Mahinga Hangangamaha.

Tangohanga Roa Ake	... ka mutu ka taea e au te whakatau kōrero whānui mō ngā haerenga haumarū.
Pānga	... ka mutu ka taea e au te whakamārama i te hāngaitanga o whakaaro mō tētahi haerenga haumarū.
Hangangamaha	Kei taku whakamārama ngā whakaaro maha hāngai mō tētahi haerenga haumarū.
Hangangatahi	Kei taku whakamārama tētahi whakaaro hāngai mō tētahi haerenga haumarū.
Hangangatōmua	Kei te hiahia āwhina au hei tautohu he aha te "haerenga haumarū"

2. Whakamāramahia ka pēhea, me te take hoki ka tiakina e tātau tō tātau iwi i runga i tētahi haerenga. (Me pēhea te whakarite kei te haumarū tō tātau iwi i runga i tētahi haerenga?) Mahinga Pānga.

Tangohanga Roa Ake	... ka taea e au te whakatau kōrero whānui mō ngā mahi ka taea te whakamahi kia noho haumarū tō tātau iwi i runga i tētahi haerenga.
Pānga	... me te tuku whakamārama he aha e haumarū ai te tangata i ēnei mahi.
Hangangamaha	Kei taku whakamārama ngā tikanga maha e noho haumarū ai te tangata i runga i tētahi haerenga.
Hangangatahi	Kei taku whakamārama tētahi tikanga e noho haumarū ai te tangata i runga i tētahi haerenga.
Hangangatōmua	Me whakamārama au ka pēhea, me te take hoki ka tiakina e tātau tō tātau iwi i runga i tētahi haerenga.

3. Waihangahia he mahi (he rauemi rānei) kia noho haumarū tō tātau iwi i runga i tētahi haerenga Mahinga Tangohanga Roa Ake.

Tangohanga Roa Ake	... ka mutu ka rapu me te whai i ngā whakautu a ētahi atu mō te whakapai ake i te rauemi.
Pānga	... ka mutu kei te mōhio au me aha au me te take o taku mahi i taua mahi.
Hangangamaha	Ka taea e au te waihanga i tētahi rauemi ka āwhina kia noho haumarū tō tātau iwi i runga i tētahi haerenga engari kāore au i te mōhio ki te take, me aha rānei au nō reira ka hē au.
Hangangatahi	Ka taea e au te waihanga i tētahi rauemi ka āwhina kia noho haumarū tō tātau iwi i runga i tētahi haerenga ki te whai au i ngā tohutohu/ ki te tohutohuhia rānei au.
Hangangatōmua	Me āwhina au ki te waihanga i tētahi rauemi hei āwhina i tō tātau iwi kia haumarū i runga i tētahi haerenga.